

öðrum, og jafnframt félagslega og verklega samvinnu, grípa þær inn í starfsvið framtíðarinnar. Fylgjendur andatrúarinnar og kristnu vísindanna og sállekingamenn af öllum tegundum draga all marga frá hinum eldri kyrkjum og kasta skugga á viðteknar kenningar og trúarjátningar. Samt sem áður heldur meiri hluti fólks fast við kyrkjurnar og mun að líkindum gera það, meðfram vegna þess að bönd tilfinninga hafa hnýtt þá við þær á þýðingarmestu stundu n lífs þeirra, og meðfram vegna þess að ástand þeirra leyfir þeim ennþá að taka trúanlegar þær skoðanir, sem þeir hafa erfð og sem hafa verið kendar þeim á unga aldri. Hin nýja trú mun þess vegna, taka hægum framförum hvað stofnanir snertir. Hún mun samt sem áður stöðugt breyta trúarjátningum og síðum alla þeirra kyrkna, sem til eru, og hún mun breyta táknum þeirra og siðferðiskenningum. Þar sem aðalkenning hennar verður kenning um hina hæstu einingu efnis, kraftar og anda, og æðsta boð hennar verður: vertu nytsamur og hjálpsamur, mun hún hafa mikil sameiningar áhrif á mennina.

Kristin eining hefir æfinlega verið þráð af einlægum trúmönnum, en það hefir verið reynt að ná henni á ómögulegan hátt. Stjórnandi kyrkjur hafa reynt að þröngva öllum innau vébanda sinna til að hafa sömu skoðanir og fylgjast með í sömu siðum, en þær hafa aðeins náð takmarki sínu með tíma og á takmörkuðum svæðum. Eftir því sem frelsið hefir vaxið í heiminum, eftir því hefir reynst erfðara að koma jafnvel ytri einingu á með valdi; og í löndum, þar sem ríki og kyrkja hafa verið aðskilin, hafa mjög sundurleitar trúarskoðanir og siðir komið í ljós í mismunandi kyrkjustofnunum, sem hver um sig hefir ótrautt fylgi einhvers hluta fólksins. Þar sem það er áreiðanlegt að menn eru altaf að eignast meira og meira frelsi í hugsunum, orðum og verkum, mætti síðað mannfélag gera ráð fyrir að ómögulegt sé að sameina alt trúhneigt fólk með nokkurri kenningu, trúarjátningu, helgisíðaathöfn eða guðspjónustu aðferð. Alt þetta sundrar en sameinar ekki, hvar sem skynsamlegt frelsi á sér stað. Hin nýja trú heldur fram sem fyrsta grundvelli til sameiningar, í fyrsta lagi, kenningu sinni um